

輿地廣記

七









輿地廣記卷第十九

河東路下

望汾州春秋屬晉戰國屬趙秦廢西河郡二漢屬太原五河二郡魏因之晉屬西河國元魏置西河郡兼置汾州北齊置南朔州後周改曰介州隋開皇初郡廢天業初州廢復置西河郡唐武德元年改曰浩州三年改曰汾州 皇朝因之今縣王望西河縣本漢隰城屬西河郡東漢省之晉復置屬西河國元魏為西河郡及汾州治隋唐皆因之肅宗上元元年改隰城曰西河漢京陵縣地屬太原郡即趙文子與叔向觀于九原之所漢茲氏縣屬太原郡魏黃初二年置西河國有西河恭王司馬子盛碑

望平遙縣本漢平陶縣屬太原郡東漢晉因之元魏以諱改陶為遙隋屬西河郡唐屬汾州

四百八十五

北一九

陳仲

上介休縣二漢屬太原郡晉屬西河國元魏分置平昌縣後周置介休郡省介休縣入平昌隋開皇初郡廢十八年改平昌曰介休屬西河郡義寧元年復置介休郡唐武德元年改為介州正觀元年州廢來屬有綿上山今謂之介山有介子推祠漢鄆縣屬太原郡東漢晉因之九澤在北是為昭餘祁漢中都縣文帝為代王都此屬太原郡東漢晉因之後皆入介休

上孝義縣漢中陽縣屬西河郡東漢因之隋曰永安正觀元年更名孝義有隱泉山

中靈石縣本漢介休縣地隋開皇十年置屬汾州唐因之有賈胡堡唐高祖討宋金剛次于此地有高壁嶺雀鼠谷汾水關皆險固之處

上澤州春秋屬晉戰國屬韓後屬趙秦屬上黨郡二漢屬上黨





河東二郡魏晉因之元魏置達州及高都長平安平三郡北齊  
置長平高都二郡後周併二郡為高平郡隋開皇初郡廢改州  
為澤州大業初州廢置長平郡置澤州天寶元年曰高平郡  
皇朝因之統縣六

緊晉城縣本高都縣二漢晉屬上黨郡元魏置建州北齊置長  
平高都二郡後周併為高平郡隋開皇初郡廢十八年改縣  
為丹川大業初置長平郡唐武德元年曰建州三年析丹川  
縣置晉城六年州廢隸澤州徙蓋州來治九年省丹川入晉  
城正觀元年州廢隸澤州徙澤州來治有大井關在縣南太  
行山上

上高平縣本泫氏縣地二漢晉屬上黨郡後析置平高縣北齊  
改曰高平省泫氏入焉隋屬長平郡唐武德元年置蓋州二  
觀元年州廢焉澤州秦將白起坑趙降卒四十萬人於長平

即此地今有頭顱山

上湯城縣本漢澤縣二漢屬河東郡晉屬平陽郡隋置澤州取  
漢澤為名後屬長平郡唐武德元年復置澤州八年徙治端  
氏天寶元年改縣為陽城有禹貢析城山三屋山漢澤水

中端氏縣韓趙魏既分晉徙晉君子端氏即此二漢屬河東郡  
晉屬平陽郡元魏置安平郡隋開皇初郡廢屬澤州唐武德  
六年徙州來治此正觀元年徙治晉城

中陵川縣本漢泫氏縣北齊省之隋開皇十六年置陵川縣屬  
澤州唐武德元年屬蓋州正觀元年來屬

中下沁水縣二漢晉皆屬河內郡元魏置廣寧郡北齊郡廢改  
縣為永寧隋開皇十八年復為沁水屬澤州唐武德元年屬  
蓋州正觀元年來屬

中憲州自唐以前地理與嵐州同本樓煩監牧以嵐州刺史兼



領正元十五年別置監牧使龍紀元年節度使李克用表置  
州及樓煩縣 皇朝因之咸平五年以樓煩屬嵐州以嵐州  
之靜樂來屬熙寧三年州廢十年復置統縣一

中靜樂縣漢汾陽縣地屬太原郡後置岢嵐縣隋開皇十八年  
改曰汾源大業四年又改為靜樂屬樓煩郡唐武德四年置  
管州六年州廢以靜樂屬嵐州 皇朝咸平中來屬熙寧

三年屬嵐州十年復來屬有管涔山汾水所出有隋汾陽宮  
故天池縣唐龍紀三年置屬憲州咸平省入靜樂

下嵐州春秋屬晉後為胡地有樓煩王居焉其後屬趙秦屬太  
原郡二漢晉因之後魏末置嵐州隋大業四年置樓煩郡唐武  
德四年置東會州六年更名嵐州 皇朝因之統縣三

中宜芳縣本漢汾陽縣屬太原郡高帝封斬強為侯國積粟所  
在謂之羊腸倉有羊腸坂石磴縈回若羊腸焉隋末置嵐城

二十廿二

九十一

三

六

縣屬樓煩郡唐武德四年更名宜芳六年為嵐州治有古秀  
容城魏土地記曰秀容胡人徙居之立秀容護軍治此

中下合河縣北齊置為汾縣隋大業四年改曰臨泉屬樓煩郡  
唐武德三年改曰臨津六年屬嵐州正觀元年又改為合河  
東有蔚汾關西有合河關

下樓煩縣唐龍紀元年於樓煩監西一里置為憲州治 皇朝  
咸平中以縣來屬

下石州戰國時趙之離石邑後為秦魏二國之境秦屬太原郡  
地漢屬西河郡東漢為郡治焉晉置西河國北齊置西汾州  
及懷政郡後周改州為石州郡為離石郡隋開皇初郡廢大業  
初州廢復置離石郡唐武德元年復為石州天寶元年曰昌化  
郡 皇朝因之統縣三

中離石縣本戰國趙邑秦昭王伐趙取離石是也後屬太原郡



漢屬西河郡而東漢徙郡治此晉為西河國治自漢末匈奴入居內郡魏武帝分其衆為五部在離石者以左賢王去卑監之去卑子豹豹子淵世據此地謂之左國城晉惠帝時淵起兵於此後趙石勒置承石郡後縣廢焉北齊置昌化縣及懷政郡後周郡縣並改曰離石隋因之唐為石州

中平夷縣後周析離石縣置隋屬離石郡唐屬石州

中方山縣後周置密胡縣及密胡郡隋開皇初郡廢後縣改為

修化屬離石郡後周又置盧山縣大業初并入修化唐為方

山縣武德二年置方州三年州廢來屬按舊史言方山隋縣

隋史石州無方山有修化豈隋末更名而史官失紀歟有方

山赤洪水

下遼州春秋屬晉戰國屬韓後屬趙秦二漢屬一黨郡晉為樂

平郡後魏為遼陽郡隋屬遼州大業初州廢屬太原郡唐武德

三年復屬遼州六年州徙來治此八年曰箕州先天元年改曰

儀州天寶元年曰樂平郡中和二年復曰遼州 皇朝因之

熙寧七年州廢屬平定軍元豐八年復置今縣四

下遼山縣本涅氏縣地二漢屬上黨郡晉置遼陽縣屬樂平郡

元魏曰遼陽北齊省之隋開皇十年復置更名遼山十六年

屬遼州大業初州廢屬太原郡唐武德三年復屬遼州六年

州治徙此有遼陽山一箕城春秋晉人敗狄二箕先軫死焉

即七

中下榆社縣本涅氏縣地二漢屬上黨郡晉置武鄉縣唐武德

元年屬韓州三年以縣及并州之平城置榆州六年州廢來

屬

下平城縣

下和順縣本韓之關與邑趙奢破秦軍于關與即此漢為沾縣



屬上黨郡後置梁榆縣晉盧諶征艱賦云訪梁榆之虛郭乃  
開與之舊平是也隋開皇十年改曰和順屬太原縣唐武德  
三年來屬熙寧七年省為鎮入遼山元祐元年復置

下豐州自五代以前地理與府州同 皇朝嘉祐七年以府  
州薤泊川掌地置東南接府州西接麟州不統縣

同下州威勝軍自五代以前地理與潞州同 皇朝太平興  
國二年置威勝軍併沁州入焉今縣四

中銅鞮縣本晉大夫羊舌肸之邑漢高帝破韓王信於此縣二  
漢及晉屬上黨郡隋唐屬潞州 皇朝為威勝軍有崔湟

縣後魏改為陽城開皇十八年改為甲川大業初省入銅鞮  
上武鄉縣漢涅縣地晉晉武鄉縣屬上黨郡石勒其縣人也有

漚麻池勒與李陽爭池相歐即此及僭位置武鄉郡後魏去  
武字隋開皇初郡廢屬潞州十六年分置榆社縣大業初省

入唐武后復加武字屬潞州 皇朝太平興國二年來屬  
中下沁源縣本穀遠縣二漢屬上黨郡晉省之元魏置沁源縣

及義寧郡隋開皇初郡廢十六年置沁州大業初州廢屬上  
黨郡唐武德元年復置沁州天寶元年曰陽城郡 皇朝

太平興國六年廢州以沁源來屬  
中下綿上縣隋開皇十六年分介休縣之南境置屬汾州唐武

德元年屬沁州 皇朝太平興國六年屬大通監寶元二  
年來屬晉文公以綿上為介之推田曰以志吾過且旌善人

即此  
同下州平定軍春秋屬晉戰國屬趙秦及二漢屬太原上黨二

郡晉置樂平郡元魏為西陽郡後復為樂平隋開皇初郡廢十  
六年置遼州大業初州廢屬太原縣唐武德三年復置遼州治

樂平領遼山平城石艾等縣後州徙治遼山而樂平石艾還屬



并州 皇朝太平興國二年置平定軍今縣二

中平定縣本上艾縣漢屬太原郡東漢屬常山國晉屬樂平郡  
後改曰石艾隋屬太原郡唐武德三年屬遼州六年屬受州  
八年州廢屬并州天寶元年改曰廣陽 皇朝太平興國  
四年改曰平定置平定軍

中樂平縣本沾縣二漢屬上黨郡晉置樂平郡元魏北齊後周  
皆因之隋開皇初廢郡為樂平縣屬太原郡唐武德三年以  
縣置遼州六年徙治遼山而樂平屬并州 皇朝太平興  
國四年來屬

同下州岢嵐軍自五代以前地理與嵐州同 皇朝太平興  
國四年析岢嵐軍自五代以前地理與嵐州同  
下嵐谷縣唐長安三年析宜芳縣置屬嵐州并以岢嵐柵為軍

景龍中張仁亶徙其軍於朔方留者號岢嵐守捉隸大同軍  
皇朝復以縣置軍有岢嵐水岢嵐山

同下州寧化軍自五代以前地理與嵐州同 皇朝太平興  
國四年析嵐州地置寧化縣二年於縣置軍領寧化一縣熙寧  
三年縣廢後復置熙寧二年又廢有雪山汾水

同下州火山軍自五代以前地理與嵐州同 皇朝太平興  
國七年以嵐州雄勇鎮置軍治平七年置火山縣四年縣廢有  
火山黃河

同下州保德軍自五代以前地理與嵐州同 皇朝淳化四  
年析嵐州地置定羗軍景德二年改曰保德不領縣有黃河  
同下州晉寧軍自五代以前地理與石州同

中下臨泉縣後周置曰烏突及置烏突郡隋開皇初郡廢縣尋  
改曰太和屬石州唐武德三年改縣曰臨泉置北和州正觀  
三年州廢屬石州有湫水

三年州廢屬石州有湫水

三年州廢屬石州有湫水

三年州廢屬石州有湫水



皇朝置軍來屬

中定胡縣漢離石縣地後周置及置定胡郡隋開皇初郡廢屬石州有孟門關其地險固

河京路化州

單于大都護府本戎狄地戰國屬趙秦漢屬雲中郡魏晉皆屬新興郡隋屬榆林郡唐龍朔三年置雲中都護府麟德元年改為單于大都護府并振武軍節度東北至朔州南至勝州領縣

中金河縣唐天寶四年置有金河有燕然山東漢竇憲勒銘於

此有木陵臺有三石君墓名曰青冢唐咸通中李國昌為節度使恣橫非命而子元用盜據雲州侵掠代北為邊患焉

變北大都護府唐龍朔三年改曰瀚海都督府總章二年更名開元二年治中受降城十年徙治豐勝二州之境十一年徙天

德軍領縣二

中陰山縣故北戎之地陰山東西千餘里草木茂盛多禽獸匈奴依阻其中治弓矢法來為寇是共苑囿也戰國屬趙趙武靈王築長城自代北陰山下至高關為塞秦始皇斥逐匈奴自榆中並河以東屬之陰山以為三十四縣漢初復為匈奴所有武帝出師征少斥奪此地置陰山縣屬五原郡匈奴失陰山過之未嘗不哭東漢省入西安陽屬五原郡唐天寶元年置陰山縣

上通濟縣

鎮北大都護府唐立領縣二

上大同縣

上長寧縣

下都督雲州本戎狄地戰國屬趙秦屬鴈門定襄代三郡二漢



晉因之後魏道武徙都平城置司州代尹孝文遷都洛陽改代  
尹曰萬年尹隋屬馬邑郡唐武德四年置北齊州七年州廢正  
觀十四年置雲州天寶元年曰雲中郡升大同軍節度領縣一  
上雲中縣本平城縣地漢晉屬鴈門郡後魏以為代都北齊置  
太平縣後周改曰雲中隋開皇初改曰雲內屬馬邑郡唐正  
觀十四年自朔州北定襄城移雲州於雲內之常安鎮置因  
改雲內為定襄縣永淳元年為黠戛所破州縣俱廢開元二  
十年復置改定襄曰雲中有故陰館縣漢屬鴈門郡東漢為  
郡治後魏置平齊郡尋廢有故高柳城漢屬代郡東漢為郡  
治有參合斬信於此有故桐過城一漢屬定襄郡有故武進城  
屠參合斬信於此有故桐過城一漢屬定襄郡有故武進城  
漢屬定襄郡東漢屬雲中郡有故威樂縣漢曰成樂屬定襄  
郡東漢屬雲中郡後魏昭成徙居威樂宮即此有白登山匈奴  
八十一  
世一九

奴圍漢高帝於此有單于臺漢武出長城登單于臺勒兵十  
八萬騎旌旗徑二餘里威唐匈奴即此

望應州唐末置後唐天成元年升彰國一軍節度領縣二

望金城縣後唐明宗其縣人也故置彰國軍而以金城為望縣  
上混源縣

上新州唐末置後唐同光二年升威勝軍節度領縣四

中永興縣

礮石縣

龍門縣

懷安縣

下蔚州本代地在常山之北趙簡子與諸子約曰吾歲寶符於  
常山上先得者賞諸子馳之常山無所得毋卹還曰已得符矣  
從常山上臨代代可取也於是簡子以毋卹為賢其後繼立是



為襄子襄子北登夏屋請代王使厨人以銅斗擊殺之遂發兵定代地及武靈王置代郡秦及漢晉皆因之後魏置懷荒禦夷二鎮及靈丘郡後周置蔚州隋開皇初郡廢大業初州廢屬鴈門上谷二郡唐武德六年置蔚州天寶元年曰安邊郡至德二載曰興唐郡統縣三

中下靈丘縣有趙武靈王墓因以為名漢屬代郡東漢省之後魏復置及置靈丘郡後周置蔚州隋屬鴈門郡唐初没于突厥武德六年置蔚州僑治陽曲七年僑治繁峙八年僑治秀容故北常州城正觀五十破突厥復故地還治靈丘有滏水發源於高氏山東入河漢志注以為靈丘之號在趙武靈王之前此說非也齊地別有靈丘孟子謂蚩蠶辭靈丘而請士師是也此靈丘在趙之北境非齊趙兵交之地

中興唐縣本在邊縣唐開元十二年置治橫野軍至德二載更

北一六

### 名興唐

下飛狐縣本廣昌縣漢屬代郡東漢省之晉復置隋仁壽初改曰飛狐屬上谷郡唐置蔚州有飛狐谷飛狐關在代國南四十里漢酈食其說高帝所謂距飛狐之口是也晉劉琨為胡人所攻自代出飛狐口奔於安次即從此道

下朔州本戎狄地戰國屬趙秦漢屬代鴈門二郡靈帝末羌胡大擾定襄靈中五原朔方上郡之民並流徙分散建安二十二年魏武帝始集塞下荒地置新興郡晉惠帝改曰晉昌郡後魏置懷朔鎮及朔州北齊置廣安郡隋開皇初郡廢大業初州廢置代郡尋改為馬邑郡唐武德四年復曰朔州統縣二

中善陽縣本劇陽縣漢屬鴈門郡王莽改曰善陽東漢復曰劇陽晉省之北齊置招遠縣及廣安郡隋開皇初郡廢改縣曰善陽置代郡尋曰馬邑唐置朔州有故桑乾縣二漢屬代郡



後魏置桑乾郡北齊改為廣寧郡後周廢之有秦馬邑城晉  
太康地記云秦時建此城城輒崩不成有一馬周旋馳走反  
覆父老異之依以築城城乃不壞遂名馬邑漢武帝使聶壹  
翁佯為賣馬邑城以誘匈奴單于信之乃以十萬騎入武周  
塞與見漢兵謀引去即此地也二漢及晉屬鴈門郡故武州縣  
二漢屬鴈門郡所謂武周塞是也有紫河發源於此  
中馬邑縣唐開元五年析善陽置治大同軍城

下襄州唐末置領縣一

下襄清縣

下儒州唐末置領縣一

下縉山縣

下毅州本武州唐末置後唐長興元年改曰毅州領縣一

下文德縣



輿地廣記卷第二十

淮南東路

大都督府揚州春秋屬吳吳滅屬越越滅屬楚秦高九江郡漢高帝六年為荊國十一年為吳國景帝曰江都國武帝曰廣陵國東漢為郡魏為重鎮後吳得之西晉屬廣陵郡東晉時以郡監都督青兗二州諸軍事鎮此宋置廣陵郡文帝兼置南兗州齊梁因之北齊改曰東廣州陳復曰南兗州後周改為吳州隋開皇九年改為揚州大業初置江都郡唐武德二年曰南兗州七年曰邳州以邳溝為名左傳所謂吳城邳溝以通江淮是也九年曰揚州天寶元年曰廣陵郡領淮南節度唐末揚州密為據其地後為李昇所取今縣三

緊江都縣漢屬廣陵國東漢晉因之白梁至隋或廢或置有為江都郡治唐為揚州有江水祠俗謂之伍員廟蓋以終江神而子胥配食耳

緊廣陵縣漢吳王濞所都後為江都廣陵國及郡治焉魏文帝征吳幸廣陵故城臨江觀兵歎曰天所以限南北也北齊置廣陵江陽二郡開皇初郡廢十八年改縣曰邳江大業初改曰江陽為江都郡治後省入江都唐正觀十八年復置與江都分治後改曰廣陵唐韓臯號知音常論廣陵散以為王凌母丘儉諸葛誕皆欲以揚州興兵正復魏室而取克魏由是散云此說非也凌等為都督時揚州治壽春至隋始以廣陵為揚州治凌等起事與廣陵殊不相涉

望天長縣本千秋縣唐天寶元年析江都六合高郵置七載更名

望亳州春秋屬陳戰國屬宋秦屬碭郡漢屬沛郡東漢屬沛國兼為豫州刺史治焉魏置譙郡晉宋因之後魏亦曰譙郡兼立



南兗州後周改州曰亳州隋開皇初郡廢大業初州廢置譙郡  
唐初曰譙州貞觀八年更名亳州天寶元年復曰譙郡 皇朝  
大中祥符七年升集慶軍節度今縣七

望譙縣春秋陳邑漢屬沛郡魏武帝其邑人也置譙郡後周曰  
亳州置小黃縣及陳留郡隋開皇初郡廢大業二年改小黃  
曰譙縣唐因之

望城父縣春秋陳邑左傳楚昭王救陳師于城父是也漢屬沛  
郡東漢屬汝南郡晉屬譙郡後魏曰浚儀隋開皇十八年改  
曰城父屬亳州唐因之南有乾溪楚靈王敗于此

望蒙城縣本山桑縣漢屬沛郡東漢屬汝南郡晉屬譙郡後魏  
置譙州及渦陽縣兼置南譙郡梁改州曰西徐州東魏改曰  
譙州隋開皇初郡廢十六年改渦陽縣為肥水大業初州廢  
改肥水曰山桑屬譙郡唐屬亳州天寶元年改為蒙城蒙館

鎮本梁置北新文郡東魏改為蒙郡北齊郡廢置蒙縣後廢  
為鎮

望鄆縣顏師古云字本作鄆音曉中古以來皆借鄆字為之讀  
皆作鄆而萃呼為贊治則此縣亦有贊音二漢屬沛郡晉屬  
譙郡後廢隋開皇十六年復置屬譙郡唐屬亳州馬頭鎮本

建平縣漢屬沛郡東漢省之後魏置馬頭郡北齊廢為鎮  
望永城縣本芒葛丘二縣地二漢屬沛郡昭帝更葛丘曰大丘  
光武更芒曰臨睢後皆省焉隋末置永城縣唐屬亳州芒縣

故城在今縣北有芒山與碭山相接漢高帝隱於此大丘縣  
故城在今縣西北東漢陳寔為此縣長

望衛真縣本苦縣城東有賴鄉祠老子所生之地漢屬淮陽國  
東漢屬陳國晉屬梁國後魏為谷陽縣屬陳留郡北齊省之  
隋開皇六年復置屬亳州唐乾封元年改名真源載初元年



曰仙源神龍元年復曰真源 皇朝大中祥符七年改曰  
衛真

緊鹿邑縣本曰鳴鹿春秋晉邑左傳諸侯侵陳至于鳴鹿即此  
東漢置武平縣屬陳國晉屬梁國隋開皇十八年改為鹿邑  
屬淮陽郡唐屬亳州鄆城鎮本漢鄆縣屬沛郡東漢屬沛國  
晉省之

上宿州春秋戰國屬宋秦屬泗水郡漢屬沛郡東漢晉屬沛國  
梁置睢州北齊置睢南郡隋開皇初郡廢三年州廢屬徐泗亳  
三州唐因之元和四年初泗州之虹徐之符離斬置宿州大和  
三年廢七年復置在徐州南界泗水上今縣在

望符離縣二漢晉屬沛郡北齊置臨南郡直置宿州漢竹縣屬  
沛郡東漢為竹邑及一皆屬沛國梁直睢州隋開皇三年廢  
竹邑入符離漢相縣為一治東漢晉因之後廢也城在今

縣西北項羽破漢軍於靈壁東雖水為之小流即此縣界  
望蘄縣本秦縣二世元年七月陳勝率以卒起斬即此二漢屬

沛郡西有會甄鄉高帝破黥布於此晉屬彭澤郡梁置彭澤郡北  
齊置仁州隋開皇初郡廢大業初州廢屬鼓城郡唐屬宿州  
漢龍亢縣屬沛郡東漢屬沛國晉屬譙郡北齊置龍亢郡隋

開皇初郡廢入蘄  
緊臨澗縣本鉅縣漢屬沛郡東漢屬沛國晉屬譙郡後魏改為  
臨澗屬臨澗郡北齊郡廢隋屬譙郡唐武德四年置北譙州

正觀十七年州廢屬亳州天祐四年來屬 皇朝大中祥  
符七年復屬亳州天禧元年來屬有嵇山  
中虹縣本堽夏丘二縣地漢皆屬沛郡東漢堽屬沛郡夏丘屬

下邳國晉因之後皆廢焉北齊復置夏丘縣及夏丘郡兼置  
潼州後周改州為宋州改縣為晉陵隋開皇初郡廢十八年



州廢縣復曰夏丘屬泗州唐武德四年置仁州又朴夏丘置  
虹縣六年省夏丘正觀八年州廢以虹屬泗州元和四年來  
屬

### 靈壁縣

緊楚州春秋屬吳戰國屬楚秦屬九江郡漢屬臨淮郡東漢屬  
廣陵郡下邳國晉屬臨淮廣陵二郡東晉為重鎮元帝使劉隗  
守淮陰是也安帝置山陽郡宋齊因之後魏置淮陰郡東魏改  
為淮州隋開皇初山陽郡廢十二年置楚州大業初州廢屬江  
都郡唐武德四年曰東楚州八年更名天寶元年曰淮陰郡今  
縣四

望山陽縣本漢射陽縣屬臨淮郡東漢建武十五年封于荆為

山陽公治此十七年為三國後屬廣陵郡晉因之義熙七年

置山陽郡改射陽縣為山陽縣宋因之隋置楚州大業初州

四百九十五

地二

四

三三

廢屬江都郡隋末賊君相竊據之號東楚州唐武德四年君  
相降因之八年曰楚州

緊寶應縣本平安縣二漢屬廣陵國晉省之後置安且縣隋屬

江都郡唐武德四年以縣置倉州七年州廢來屬上元二年

以獲定國寶十三枚因改元寶應兼改縣魏郟艾築石鼈城

在今縣西八十里以營田

上鹽城縣本漢鹽漬縣屬臨淮郡東漢晉屬廣陵郡後安帝改

曰鹽城縣宋因之北齊置射陽郡陳改曰鹽城郡隋開皇初

郡廢屬揚州隋末盜韋徹據其地置射州及射陽安樂新安

三縣唐武德四年來歸因之七年州廢省三縣而置鹽城來

屬

中淮陰縣漢屬臨淮郡韓信其邑人也今城東有漂母家東漢

屬下邳國晉為廣陵郡治後魏置淮陰郡東魏改為淮州北



齊置懷恩縣後周改曰壽張隋開皇初改曰淮陰大業初州廢省縣入山陽唐乾封二年復置屬楚州

上海州春秋戰國為魯東境後屬楚秦屬薛郡後分為郟郡漢改郟為東海郡東漢晉宋因之宋僑立青島二州梁置南北二

青州後入元魏東魏置海州隋開皇初郡廢大業初州廢為東海郡唐武德四年復曰海州天寶元年復曰東海郡今縣四

緊胸山縣本胸縣二漢晉屬東海郡後魏置琅邪郡後周改縣曰胸山并胸山郡隋開皇初郡廢大業初置東海郡唐為海

州秦始皇立石於胸縣海上以為祭之東門即此

中懷仁縣本況其利城二縣地二漢晉屬東海郡後皆廢梁置

南北二青州東魏州廢置義塘郡又懷仁縣隋開皇初郡廢屬海州唐武德四年置利城新樂二縣六年改新樂曰祝其八年省入懷仁有夾山春秋公會齊侯于夾谷傳讀之祝其

是也有羽山舜殛鯀於此

中沐陽縣本京上縣地二漢晉屬東海郡後廢梁置潼陽郡東魏改曰沐陽郡及置懷文縣後周改縣曰沐陽隋開皇初郡廢屬海州唐武德四年置京上縣八年省為鎮入沐陽

中東海縣本贛榆縣地漢屬琅邪郡東漢晉屬東海郡後廢後魏置東海郡及廣饒縣隋開皇初郡廢仁壽元年改廣饒曰東海屬海州唐武德四年置環州并置青山石城贛榆三縣

八年州廢省三縣以東海來屬縣治鬱州四面環海齊王田橫入海所保鬱洲也有郁州山一名蒼梧山谷傳此山在蒼梧徙來上有南方株木

上泰州春秋屬吳秦屬九江郡漢屬臨淮郡東漢晉屬廣陵郡安帝分置海陵郡宋齊因之隋開皇初郡廢屬江都郡唐武德

三年置吳州七年州廢屬揚州五代吳楊氏置海陵制置院南



唐李氏升為泰州 皇朝因之後曰海陵郡今縣四

望海陵縣漢屬臨淮郡有吳大倉枚乘傳不如海陵之倉是也

東漢省之晉復置屬海陵郡安帝置海陵郡唐武德三年改

縣曰吳陵置吳州七年州廢復故名吳置海陵制置院南唐

為泰州

緊興化縣南唐置

中泰興縣南唐置

中下如皋縣晉安帝置寧海如皋二縣隋開皇初省如皋入亭

海屬江都郡南唐漢置

一泗州春秋屬徐戰國屬吳秦屬泗水郡漢屬臨淮郡東漢屬

下邳國兼置徐州西屬臨淮郡元魏置盱眙郡梁置高平郡又

置濟陰郡隋開皇初郡皆廢屬揚泗濠三州唐屬楚泗濠三州

今縣三

地二

下

松

緊盱眙縣漢為臨淮都尉治東漢屬下邳國晉為臨淮郡治明

帝兖州刺史劉遐自彭城退屯泗口即此安帝時置角城鎮

在淮泗之會後魏置盱眙郡陳置北譙州尋省隋開皇初郡

廢屬揚州唐武德四年置西楚州八年州廢屬楚州光宅初

改曰建中後復故名建中二年屬泗州後復屬楚州

皇朝乾德元二年又屬泗州州徙治此有都梁山龜山禹治水

以鐵鎖鑰淮渦水神無支奇於龜山之足唐永泰中刺史李

湯以大牛五十引鎖出之鎖末有一青猿高五丈許復拽牛

沒水

上臨淮縣本漢下相僮二縣地屬臨淮郡東漢屬下邳國晉以

下屬臨淮郡而省僮縣後下相亦廢焉唐長安二年析徐城

南境置臨淮縣屬泗州開元二十五年州自宿預徙來治此

漢下相縣故城在今縣西北僮縣故城在西南徐城鎮本徐



國羸姓有徐君墓季札掛劍之所漢屬臨淮郡東漢屬下邳國晉屬臨淮郡梁置高平郡東魏置高平縣隋開皇初郡廢十八年改縣曰徐城屬泗州唐因之皇朝建隆二年省為鎮入臨淮

上招信縣本淮陵縣地漢屬臨淮郡東漢屬下邳國晉屬臨淮郡宋曰睢陵置濟陰郡後周改縣曰招義隋開皇初郡廢大業初改縣曰化明屬鍾離郡隋末縣民馬溥盜據號化州唐因之武德三年改曰招義正觀八年州廢屬濠州皇朝乾德元年來屬太平興國元年更名

上滁州春秋屬吳戰國屬楚秦之二漢屬九江郡晉屬淮南郡宋置新昌郡齊置南譙州北齊改郡為臨滁後周改曰北譙隋開皇初郡皆廢改南譙州為滁州大業初州廢屬江都郡唐武德二年復置天寶元年曰永陽郡今縣三

望清流縣本漢全椒縣地後魏置頓丘縣及新昌郡南譙州故城在今縣西南八十里北齊徙來治此隋開皇初改為滁州廢郡為新昌縣十八年改曰清流大業初州廢屬江都郡唐置滁州周世宗征南唐李景使皇甫暉屯清流関為周師所敗暉被擒於此

望來安縣本永陽縣唐景龍三年析清流縣置屬滁州後改為來安

繁全椒縣二漢屬九江郡晉屬淮南國後廢梁置北譙縣及北譙郡北齊改縣曰臨滁後周復曰北譙隋開皇初郡廢改縣曰滁水大業初改為全椒屬江都郡唐屬滁州二漢阜陵縣屬九江郡明帝時淪為麻胡晉屬淮南郡後廢焉故城在今縣南

上真州自五代以前地理與揚州同南唐以來正縣地置迎鑿



鎮 皇朝乾德二年置建安軍大中祥符六年以聖像成功  
外為真州統縣二

中揚子縣唐永淳元年析江都縣置屬揚州後改為永正縣  
皇朝於縣之迎鑿鎮置軍雍熙二年以永正為屬後復改為  
揚子屬真州

陸六合縣本楚之棠邑伍尚為棠邑大夫是也漢屬臨淮郡東  
漢屬廣陵郡晉元康七年置堂邑郡武帝時改置秦郡後別  
置尉氏縣北齊兼置秦州後周改州二方州改郡曰六合隋  
開皇初郡廢四年改尉氏為六合縣省堂邑入焉六業初州  
廢屬江都郡唐屬揚州 皇朝至道二年來屬有瓜步山  
後魏太武南伐起行宮於瓜步山諸軍同日皆臨江即此  
中通州自唐以前地理與秦州同南唐李昫置靜海制置院周  
顯德中世宗克淮南分為軍後以為通州 皇朝天聖元年

改曰崇州明道二年後故今縣二

望靜海縣本海陵之東境周顯德中置  
望海門縣本海陵之東境周顯德中置

同下州高郵軍歷代地理與揚州同 皇朝開寶四年置高  
郵軍熙寧五年廢元祐元年復置今縣一

望高郵縣漢屬廣陵國東漢屬廣陵郡吳省之晉武帝太康元  
年復立屬臨淮郡末屬廣陵郡梁初置竹塘三歸二縣及置  
廣業郡尋以有嘉禾改為神農郡隋開皇初郡廢又省竹塘  
三歸臨潭三縣入焉屬江都郡唐屬揚州 皇朝置軍有  
神吾山



輿地廣記卷第二十一

淮南西路

緊壽州春秋戰國屬楚漢屬九江沛二郡東漢屬九江郡兼置揚州魏晉宋齊梁屬淮南郡齊兼置豫州後魏曰揚州梁曰南豫州東魏曰揚州陳曰豫州後周曰揚州隋屬汝陰淮南二郡唐屬潁壽二州後唐天成三年外為忠正軍節度周顯德中自壽春徙治潁州之下蔡 皇朝因之今縣五

取平蔡縣故州來國為楚所滅左傳楚靈王狩于州來次于潁尾地蓋在淮潁之會後吳取之封季札至夫差時蔡成公自新蔡徙此謂之下蔡秦相李斯其縣人也漢屬沛郡東漢屬九江郡晉屬淮南郡梁置沛郡北齊郡廢隋屬汝陰郡唐屬潁州周世宗伐南唐克壽春乃自壽春徙州治此有破石山潁水淮水梁大同中於破石山築城拒東魏即縣城也

五五五十一

七二十一

入

望安豐縣漢陽泉安風蓼三縣地屬六安國東漢屬廬江郡魏置安豐郡晉後魏梁陳皆因之隋開皇初郡廢屬壽州唐因之有芍陂楚相孫叔敖所造徑百里灌田萬頃魏太尉王凌與吳將張休文戰于芍陂即此有六國故城在縣南又有蓼國皆皇陶之後偃姓後項羽封黥布為九江王都六漢高帝元年別為衡山國五年屬淮南國文帝十六年復為衡山武帝元初二年別為六安國治六而以蓼為屬東漢國廢以六安屬廬江郡晉省蓼而六安屬廬江後省六安安豐陂中有大家即皇陶家楚人謂之公琴

望霍丘縣漢安豐松滋二縣地晉屬安豐郡後立霍丘及隋開皇十九年置霍丘縣屬壽州唐武德四年以松滋霍丘二縣置蓼州七年州廢來屬縣北有安豐澤魏丹丘儉既敗藏水草中安豐且津都尉部民張屬斬之即此松滋漢屬廬江郡晉



屬安豐郡唐省

取壽春縣戰國時楚考烈三自陳徙都壽春命曰郢秦滅楚置  
九江郡漢高帝封子長為淮南王長子安謀反誅地入又為  
九江郡東漢因之為揚州刺史治魏王凌母丘儉諸葛誕皆  
以揚州相繼起兵欲興魏室並為司馬氏所誅晉為淮南郡  
兼置揚州遷鄗皇右津改壽春曰壽陽後復曰壽春元魏因  
之隋改揚州曰壽州高祖之周世宗代南唐劉仁贍固守不  
降世宗以其難克遂徙州治下蔡而後其軍曰忠正軍曰吾  
以旌仁贍之節也八公山上有淮南王安朝園安及八士  
像後晉謝元北御符一王祈八公山及陳以淝水堅壁見山止  
草木皆為旌旗之狀秦師遂敗

中六安縣本漢潛安縣二縣北晉永和申謝尚鎮馬頭城在今  
縣北梁置霍州及兵安郡在六安縣之南隋開皇初置霍  
五子六十一

改縣為霍山置廬州唐武德四年以霍山應城潛城三縣置  
霍州正觀元年州廢省應城潛城以霍山來置神功二年曰  
武昌神龍元年復改名開元二十七年改為霍州三朝開  
寶四年改為六安霍山鎮唐天寶初析應城置霍山縣開  
寶元年省為鎮入盛唐有霍山有高貢大別山潛水楚邑漢  
屬廬江郡東漢置曰因之後省焉唐武德三年復置霍縣正觀  
中省入霍山有汶水潛水

上廬州春秋屬舒軍國屬楚秦屬九江郡漢置廬江九江二郡  
東漢因之曹公用劉馥為揚州刺史以合肥空城建立州治魏  
遂以為重鎮晉屬淮南廬江二郡梁置南豫州尋改曰合州隋  
開皇初改曰廬州大業初州廢唐長興二年外為昭順軍節度  
周顯德五年改為保信軍 皇朝因之今縣三

上合肥縣應劭曰夏水自城父東南至此與肥合故曰合肥二



漢屬九江郡魏以張遼守之吳孫權率眾十萬攻圍不克明  
帝時滿寵都督揚州諸軍鎮此於西北三十里築新城孫權  
欲圍之不敢下船後諸葛恪圍新城亦失利而退晉屬淮南  
郡後廢焉梁置汝陰縣及汝陰郡隋開皇初郡廢為合肥置  
廬州唐因之有金牛山淝水淮水

中慎縣本後道縣二漢屬九江郡故城在今縣南晉屬淮南郡  
後改為慎縣東魏置平梁郡陳口梁郡隋開皇初郡廢屬廬  
州唐因之

下舒城縣古舒國偃姓後為楚所滅二漢舒縣為廬江郡治後  
廢焉唐開元二十三年析合肥廬江置舒城縣屬廬州有龍  
舒山龍舒水

望蕪州春秋戰國屬楚秦屬九江郡二漢屬江夏郡吳置蕪春  
郡晉廢屬弋陽郡北齊置雍州及齊昌郡後周改州曰蕪州隋

開皇初郡廢大業初州廢置蕪春郡唐武德四年曰蕪州天寶元  
年曰蕪春郡 皇朝因之今縣五

望蕪春縣二漢屬江夏郡吳置蕪春郡晉屬弋陽郡改縣曰蕪  
陽梁改曰蕪水北齊改曰齊昌郡隋開皇初郡廢置蕪州十  
八年縣復曰蕪春唐因之

望蕪水縣漢蕪春縣地宋置沛水縣及永安郡隋開皇初郡廢  
屬蕪州唐武德四年改縣曰蕪水天寶元年改曰蕪水

羅田縣

望廣濟縣唐武德四年析蕪春置永安縣天寶元年改名廣濟  
有積布山黃石山

望黃梅縣漢蕪春縣地晉元帝置新蔡郡及永安縣後郡廢隋  
開皇初改縣為新蔡十八年又改為黃梅屬蕪州有黃梅山  
上和州春秋屬吳戰國屬楚秦漢屬九江郡漢末揚州刺史自



壽春徙治此吳為重鎮晉屬淮南郡惠帝永興元年分置歷陽郡宋兼置南豫州齊梁皆因之北齊置和州隋開皇初郡廢大業初州廢復置歷陽郡唐武德三年改為和州天寶元年曰歷陽郡 皇朝因之今縣三

緊歷陽縣秦漢屬九江郡漢末為揚州治晉置歷陽郡宋置南豫州北齊置和州隋古因之有歷陽

中倉山縣唐武德四年析歷陽置八年省長安四年復置更名武壽神龍元年復故名有需須水吳孫權築需須塢以拒曹公漢建安二十年公自圍之不克後景武二年魏軍又攻之不拔

中烏江縣本秦東城縣之烏江亭項羽欲渡烏江即此二漢屬九江郡晉置烏江縣屬淮南郡魏置江都郡北齊改為齊江郡陳改為臨江郡後改為同江郡隋開皇初郡廢屬和州

上舒州春秋為皖國及羣舒地戰國屬楚秦屬九江郡二漢屬廬江郡吳孫權克皖城遂為重鎮晉亦屬廬江郡宋帝置晉熙郡宋齊因之梁兼置豫州後改曰晉州北齊改曰二州陳入改曰晉州隋開皇初郡廢置熙州大業初州廢置同安郡言武德

四年改為舒州天寶元年復為同安郡 皇朝因之今縣五上懷寧縣故皖國二漢為縣屬廬江郡漢末吳克皖城亦烏口

年諸葛恪守之晉亦屬廬江郡後改皖縣為懷寧置晉熙郡隋郡廢置熙州復置同安郡唐改為舒州有濬山一名天柱山漢武帝嘗登

上桐城縣本漢樅陽縣屬淮陰郡武帝自壽陽浮江薄樅陽而出是也東漢省之梁復置及置樅陽郡隋開皇初郡廢屬熙州十八年改縣曰同安唐屬舒州至德二載更名桐城有漢朱邑祠有盛唐山樅陽水



上宿松縣本漢皖縣地梁置高塘郡隋開皇初郡廢置高塘縣屬熙州十八年改縣曰宿松唐武德四年置嚴州八年州廢來屬有長葛山雷水

上望江縣本漢皖縣地晉置新治縣陳置大雷郡隋開皇初郡廢十一年改縣曰義鄉十八年又曰望江屬熙州唐武德四年置高州尋改曰智州七年州廢屬嚴州八年州廢來屬上太湖縣本漢皖縣地宋置太湖縣隋開皇初改曰晉熙後復故名屬熙州唐屬舒州

上濠州本鍾離子國春秋時楚滅之以為縣又取之戰國後屬楚秦及二漢屬九江郡晉屬淮南郡東晉置鍾離郡宋齊梁因之齊兼置北徐州北齊改曰西楚州隋開皇初郡廢置濠州大業初州廢置鍾離郡字初作濠晉元和三三年改從濠天寶元年復曰鍾離郡 皇朝因之今縣二

五之三

地二

五 朱先

望鍾離縣故鍾離三國龜姓後為楚邊邑楚平王時吳之邊邑卑梁處女與鍾離小童角桑兩家交怒相攻滅兩邑及怒而起兵相攻遂滅卑梁秦王聞之又怒使公子光伐楚拔鍾離而還東晉置鍾離郡隋置濠州唐因之入後魏置當今三縣及馬頭郡北齊改為馬頭縣置荆山郡隋開皇初郡廢改縣曰塗山屬濠州唐武德七年省入鍾離有塗山高之所娶也古濠水莊子與惠子觀魚之所梁武帝堰淮水於鍾離以灌壽湯即此

望定遠縣本漢東城縣屬九江郡項羽兵敗東城即此地東漢因之晉屬淮南郡梁改東城曰定遠置臨濠郡北齊改郡曰廣安隋開皇初郡廢屬濠州唐因之晉曰西曲陽屬淮南郡北齊省入定遠

上光州春秋為黃弦二國比晉為楚所滅戰國屬楚秦屬九江



郡二漢屬汝南江夏郡至魏分置弋陽郡晉宋齊梁因之兼置  
光州後魏亦為弋陽郡北齊置南郢州後周置淮南郡隋開皇  
初州郡俱廢大業初復置弋陽郡唐曰光州天寶元年曰弋陽  
郡 皇朝因之今縣四

上定城縣故黃國也楚人滅之二漢為弋陽縣屬汝南郡故城  
在今縣西魏置弋陽郡北齊置南郢州後廢為南北二弋陽  
縣又省北弋陽入南弋陽改為定城縣後周又置淮南郡隋  
初州郡俱廢後屬弋陽郡唐武德三年置弦州正觀元年州  
廢屬光州大極元年州自光山徙來治此有黃水

望固始縣本臨邑楚孫叔敖子所封之邑秦之滅楚蒙恬攻滬  
即此漢為滬縣屬汝南郡光武更名固始晉屬汝陰郡梁置  
蓼縣北齊復故名置比建州後周改為澧州隋開皇初州廢  
後屬弋陽郡唐屬光州商城鎮本蔣國因公之後楚滅之以

王百二十一

地二十一

二六

光

為期思縣漢屬汝南郡東漢因之晉屬弋陽郡後廢宋置包  
信縣梁置義城郡及建州隋開皇初並廢改包信為郟城屬  
弋陽郡唐武德元年置義州正觀元年州廢來屬 皇朝  
建隆元年改曰商城後省為鎮入固始

中下光山縣故弦國楚人滅之漢為西陽縣屬江夏郡晉為弋  
陽郡治梁置光州及光城郡隋開皇初郡廢置光山縣大業  
初置弋陽郡唐為光州大極元年州徙治定城

中下仙居縣本二漢軹縣地屬江夏郡故城今在縣北四十里  
晉屬弋陽郡宋分軹縣置樂安縣梁置宋安郡隋開皇三年  
郡廢後屬弋陽郡唐屬光州有僕僕先生居縣黃土山常餌  
杏丹乘雲往來刺史李休光以為妖叱左右執之龍虎見乎  
則先生乘之而去天寶元年乃詔改樂安縣為仙居

下黃州春秋戰國屬楚秦屬南郡二漢屬江夏郡晉初屬弋陽



郡後屬西陽郡宋因之齊分置齊安郡北齊兼置衡州後周因之隋開皇初郡廢改衡州曰黃州大業初州廢置永安郡唐武德三年復為黃州天寶元年復曰齊安郡 皇朝因之今縣三

望黃岡縣本漢西陵縣地屬江夏郡晉屬七陽郡後屬西陽國北齊置南安縣又齊安郡隋開皇初郡廢改縣曰黃岡置黃

州大業初置永安郡唐復曰黃州郡縣故城在今縣東南一百二十里楚宣王滅邾從之於此故曰邾項羽封天芮為衡

山二都此漢屬江夏郡東漢因之晉屬七陽郡後廢東晉毛寶守邾城為石季龍所敗有卒投江水遇白龜之救

上黃岡縣本漢西陵縣地北齊置南司州後同置黃岡縣改南司州曰黃州隋開皇初移州治黃岡縣武德三年置南司州七年州廢來屬

中麻城縣本漢西陵縣地梁置信安縣陳置定州後周改曰亭州隋開皇初郡廢十八年改縣曰麻城屬黃州唐武德三年

置亭州入三州廢來屬

同下州無為軍 自五代以前地理與廬州同 皇朝太平興

國三年以望巢縣之無為鎮置無為軍今縣三

望無為縣漢襄安縣地屬江郡東漢晉因之宋改曰蘄縣隋開皇初復改為襄安縣廬江郡後併入巢縣置無為鎮 皇朝

太平興國三年以鎮置無為軍熙寧三年析巢廬江二縣置無為縣

望巢縣古曰南巢成湯放桀於此周初巢伯來朝春秋為羣舒邑類楚故楚人圖巢二漢為居巢縣屬廬江郡晉因之隋曰

襄安縣唐武德三年置巢州七年州廢改襄安為巢縣屬廬州 皇朝太平興國三年來屬有巢湖在縣東南



望廬江縣本漢龍舒縣地屬廬江郡東漢晉因之齊改曰廬江  
縣置廬江郡梁置湖州北齊州廢隋開皇初郡廢屬廬州唐  
因之 皇朝太平興國三年文屬







